



Broj: 05-04-20-363-4/23  
Maglaj, 23.03.2023. godine

Na osnovu člana 70. Zakona o javnim nabavkama („Službeni glasnik BiH“, br. 39/14 i 59/22), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), a u vezi sa Zapisnikom o pregledu i ocjeni ponuda, broj 05-04-20-363-3/23 od 23.03.2023. godine, u postupku javne nabavke „Izgradnja primarne saobraćajnice deponije otpada Nekolj, općina Maglaj“, Općinski načelnik donosi

## O D L U K U

o izboru najpovoljnijeg ponuđača

### I

Prihvata se preporuka Komisije za javne nabavke i ugovor o nabavci radova na izgradnji primarne saobraćajnice deponije otpada Nekolj, općina Maglaj dodjeljuje se ponuđaču „Hajdić“ d.o.o. Maglaj, u skladu sa ponudom broj 05/23 od 16.03.2023. godine, po ukupnoj cijeni od **20.910,00 KM bez PDV-a, odnosno 24.464,70 KM sa PDV-om.**

### II

Izabrani ponuđač iz tačke I obavezan je dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, u roku od pet dana od dana zaprimanja ove odluke.

### III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

### IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

## O b r a z l o ž e n j e

Odlukom o pokretanju postupka, broj 05-04-20-363/23 od 23.02.2023. godine, pokrenut je postupak javne nabavke „Izgradnja primarne saobraćajnice deponije otpada Nekolj, općina Maglaj“, koja se provodila putem otvorenog postupka. Predmetna javna nabavka objavljena je na portalu javnih nabavki, obavještenje o nabavci broj 1140-1-3-24-3-4/23 od 23.02.2023. godine. Sažetak obavještenja o nabavci objavljen je u „Službenom glasniku BiH“, broj 14/23. Kriterij za dodjelu ugovora u predmetnom postupku je najniža cijena.

Predmetni postupak je, u skladu sa svojim nadležnostima, provela Komisija za javne nabavke imenovana Odlukom broj 05-45-1-1069/22 od 19.05.2022. godine (u daljem tekstu: Komisija). U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o

čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da su blagovremeno zaprimljene tri ponude, prema redoslijedu zaprimanja kako slijedi:

r/ b	Naziv ponuđača	Sjedište ponuđača	Datum i vrijeme zaprimanja	Broj protokola
1.	“Geo-put” d.o.o. Maglaj	Poljice bb, Maglaj	15.03.2023. 12,45h	1997
2.	“Dobojputevi” d.d. Doboj Jug	Usorska 130, Matuzići	16.03.2023. 07,46h	2002
3.	“Hajdić” d.o.o. Maglaj	Misurići bb, Maglaj	16.03.2023. 08,33h	2012

Neblagovremenih ponuda nije bilo.

Sve zaprimljene ponude su prihvatljive prema formi, obliku i potpunosti, odnosno dostavljene su u zatvorenim kovertama, na kojima su bili navedeni svi podaci traženi tenderskom dokumentacijom.

U postupku analize ponuda, Komisija je utvrdila da je ponuđač „Geo-put“ d.o.o. Maglaj napravio računsku grešku u svojoj ponudi, te mu je upućen Zahtjev za prihvatanje ispravke računске greške, broj 05-04-20-363-2/23 od 17.03.2023. godine, u skladu sa članom 17. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15) i tačkom 4.6. tenderske dokumentacije. Ponuđač je blagovremeno, dana 17.03.2023. godine, putem elektronske pošte, prihvatio ispravku računске greške. Komisija je dalje utvrdila da je ispravljena cijena ponude ponuđača “Geo-put” d.o.o. Maglaj veća od procijenjene vrijednosti predmetne nabavke, zbog čega je ponudu ocijenila neprihvatljivom i kao takvu je odbacila, u skladu sa odredbom člana 2. stav (1) tačka 1) Zakona o javnim nabavkama.

Ovakvo postupanje Komisije ugovorni organ cijeni ispravnim. Naime, članom 2. stav (1) tačka 1) Zakona o javnim nabavkama propisano je da je neprihvatljiva ponuda ona ponuda čija cijena prelazi planirana, odnosno osigurana novčana sredstva ugovornog organa za nabavku. Tumačeći pomenutu odredbu, Agencija za javne nabavke je dana 23.10.2023. godine na portalu javnih nabavki i svojoj zvaničnoj stranici objavila Mišljenje u kojem navodi da se ponuda čija vrijednost prelazi procijenjenu vrijednost nabavke mora odbaciti. Nadalje, u Mišljenju, broj 04-02-1-2506-2/22 od 21.11.2022. godine (dostupno na zvaničnoj internetskoj stranici Agencije), Agencija za javne nabavke daje dodatno tumačenje, navodeći da se prihvatljivost ponude cijeni prije zakazivanja e-aukcije.

Nakon pregleda i ocjene preostale dvije ponude, Komisija je utvrdila da obje ispunjavaju zahtjeve u pogledu forme, ponuđene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom, zbog čega ih je ocijenila prihvatljivim.

E-aukcija je zakazana za dan 22.03.2023. godine s početkom u 14,00 sati.

Nakon održane e-aukcije, konačna rang lista u predmetnom postupku javne nabavke je sljedeća:

r/b	Naziv ponuđača	Cijena / KM bez PDV-a	Cijena / KM sa PDV-om
1.	“Hajdić” d.o.o. Maglaj	20.910,00	24.464,70
2.	“Dobojputevi” d.d. Doboj Jug	24.674,81	28.869,58

Po završetku e-aukcije, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da ugovor u predmetnom postupku dodijeli ponuđaču “Hajdić” d.o.o. Maglaj. Preporuka je, zajedno sa izvještajem o radu Komisije, dostavljena rukovodiocu ugovornog organa 23.03.2023. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, sa najnižom cijenom nakon e-aukcije, a imajući u vidu navedeno, kao i činjenicu da je kriterij za dodjelu ugovora u predmetnom postupku najniža cijena, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

**POUKA O PRAVNOM LIJEKU:** Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od deset dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



